




kat.komp

25865

Mag. St. Dr.

P



V O T I V A

Animorū expositio,

3

25. 865. 7.
1890: N. 153.
Iuâ Serenissimæ Reipublicæ Regni
Poloniæ & Magni D.L. de Liberata
Patriæ Libertate, in publico utri-
usq; Ordinis confessu die 14. Octo-
bris Anni 1733. congratulati sunt Se-
renissimi Principis ac Domini, Do-
mini AUGUSTI III. DEI Gratiâ
Neo-Electi Regis Poloniæ & Ma-
gni Ducatûs Lithvaniæ Electoris Sa-
xonix, ad eandem Serenissimam
Rempublicam delegati Ministri Ple-
nipotentiarij JOSEPHUS Comes
de Wackerbart SALMOUR & liber
Baro WULFF HINRICH de Bau-
dissin,

~~Hist. pol.~~ 7360

50 c.



*Celsissimi, Excellentissimi, Reverendissi-
mi, Illustrissimi, Reverendi, Illustres
Magnifici, Generosi, & Nobiles Do-
mini Serenissimæ Reipublicæ Polonæ,
& M. D. Lit. inclyti Ordines.*

Libertati Patriæq; Vestræ de liberatâ Li-
bertate gratulamur, Deoq; rerum o-
mnium moderatori gratias agimus,
quod ita Consilia Vestra (amplissimi
Regni hujus Ordines) direxerit & juverit, ut non
oppressâ sed liberâ voce, ejusmodi Principem pro
Rege Vestro elegeritis, qui antea jam vobis acqui-
situs & totus Vester erat, & quem omnes Boni pu-
blicô virtutum omnium laudant concentu.

Hic certe in tuendâ Reipublicæ libertate, in fo-
venda amicitia cum vicinis, Vobisque omnibus ac
singulis (Amplissimi Ordines) amandis ornandis &
augendis, omnem curam operam ac industriam im-
pendet.

Nostis (Illustrissimi ac Excellentissimi Ordines:) Serenissimi FRIDERICI AUGUSTI REGIS
Vestri Neo-electi Domini Nostri Clementissimi,
Pietatis & Religions zelum, animi candorem &

firmitudinem , morum integritatem , fortitudi-
nis constantiam, gratiæ, humanitatis, iustitiæ, æ-
quitatis, ac libertatis gloriam.

Hic omnino ex avita stirpe Jagellonica oriun-
dus se verum Piasum, Indigenam & Polonum esse,
non unô, sed repetitis amoris erga Patriam testa-
bitur argumentis.

Quod superest , petimus scilicet ut Pacta Con-
venta quantocius Ordinatis & Serenissimo Regi
Vestro mittatis.

Et cum (Amplissimi Ordines) Regnum Vestrû,
cujus salutem unice respicitis, nonnullis temporû
turbetur injurijs, humanissimè rogamus, ut media
& consilia opportuna, quæ & qualia pro securita-
te & conservatione tranquillitatis internæ, nec non
pro Dignitate Regis Vestri parari optatis, Princi-
pi Vestro indicetis, qui non tam de splendido Dia-
dematis Regij titulo, quàm de solo & optatissimo
Patris Patriæ gaudebit & gloriabitur nomine.

Faxit summus bonorum omnium Fons & Au-
thor DEUS ut Sacrosanctæ Religionis Romano-Ca-
tholicæ propagatio, pacis publicæ conservatio,
inclyti hujus Regni & Magni Ducatus Lithvaniæ
annexarumq; Provinciarum felicitas & gloria, to-
tiusque Reipublicæ Christianæ salus ex hac Ele-
ctione proveniant.

Per.

Permittite interea (Amplissimi & Excellentissimi Ordines) ut animorum Vestrorum magnitudinem, & pro tuenda libertate Constantiam Serenissimo Regi Vestro & Nostro, cum præconio debito viritim nominemus ac patefaciamus.

Nihil Nobis dulcius evenire officiisque Nostris dignius contingere poterit, quàm Vestras (generosi Libertatis Defensores legum custodes, & vindices acerrimi, Patriæq; Vestræ Cives optimi) vestras inquam deprædicare laudes, & nostra vobis semper studioso affectu comprobare obsequia.


Cæterùm felici faustoq; omine Serenissimæ huic Reipublicæ animitus bene cupientes, & gratulantes, Vestras ex ore Vestro acclamationes repetimus, votaue nostra cum Vestris candidè conjungimus.

**Vivat AUGUSTUS III, Dei Gratiâ
R E X Poloniae & Magnus Dux Lithvaniae !**

Vivat Serenissima Respublica ejusq; libertas vivat, & in æternum vigeat.

M O W A

*Xiążęciá Iego Mci Biskupá Krákovskie-
go przy prezencyi Ich Mćion PP. Mi-
nistrow pełnomocnych Krolá Iego Mći
ELEKTA AUGUSTA Trzęćiego w Senacie
die 14. Oǳobris An. 1733. miana.*

 Onjurata in Serenissimæ hujus Reipu-
blicæ fata pertinacia, eò sua velocio-
ri cursu præcipitavit Consilia, unde
nullam dabatur miseris sperare salu-
tem, & nisi Providentia Brachio Excellsi hanc Sere-
nissimam Rempublicam jam jam naufragantem eru-
isset, Actum esset de Nobis, Actum de Libertate,
actum de Legibus: hoc Numine invocato matu-
riori Consilio de Eligendo Nobis Rege delibera-
vimus, tandem à Tormentorum ictibus violentos
Actus majori violentiâ sustinentium, securiori lo-
co inter Kamionam & Grochoviam designato,
Electoraletn Campum si non invenimus, consono
voto fecimus, ibiq; auxiliante DEO Serenissimum
Principem ac Dominum, Dominum FRIDERI-
CUM AUGUSTUM Principem Regium Poloniæ,
&

& Electorem Saxoniae in Regem Poloniae & Magnū
Ducem Lithvaniae Provinciarumq; Annexarum,
Dominum Liberis Votis & suffragiis Nemine
contradicente Omnibus applaudentibus elegimus
& nominavimus, quod felix faustumq; sit.
Traxit Nos ad Universale Votum in hoc Principe
verus Religionis Orthodoxae Catholicae Romanae
Amor; non obscura in Principe Majestas, Clarae
Animi Dotes, & viva Gloriosi Patris memoria
qui nihil credebat magis esse Regium, quā
omnibus esse bonus. Est Pars non postrema ve-
stri Laboris quem Vobis deferimus Illustrissimi &
Excellentissimi DD. Statūs Ministri. Commune
Vobiscum capimus solatium, communi Honore
gloriaturi. Circa Tutitionem Majestatis arctio-
ri Nos obstrinximus vinculo, ut non solum circa
Serenissimum Electum Bona & Fortunas Nostros
impendere, sed & vitam ipsam litare sit Nobis
firmum propositum. Constituimus Dignissimum
Nauclerum & huic oneri parem Illustrissimum,
Regni Instigatorem, qui in Gentilitia sua Navi
Fortunam Regis, Patriaeq; vehit, & firmam spem
ponimus, quod afflantibus Superis superatis Procel-
lis eandem ad Insulas perducet fortunatas.

Aliorum Regnorum ea est sors & conditio
ut

ut Mandatum Dominantis pro Præcepto & Legē,
voluntatem vel beneplacitum pro ratione recipiant,
Nostræ Libertatis ea est felicitas, ut non pareamus
Legi, nisi quam condimus, nec subsumus, nisi cui
volumus, sic sumus subiecti, ut non cessemus esse
liberi. Proinde laudabilis invaluit consuetudo, ut
circa Electionem Regulæ quædam proponantur &
Regibus regnaturis, & subditis parituris, quas
Pacta Conventa Leges Nostræ vocant, ad quæ
conscribenda, cum requiratur speciale Mandatum,
à Serenissimo Neo-Electo, hoc Nobis demonst-
randum & producendum ab Illusterrimis Excellen-
tissimis Vestris exposcimus.

S E R M O

*Illrmi Domini Antonij Łodzia Po-
niński Instigatoris Regni, Mareſcbalci
Reip: Confæderatæ circa Tutitionem Ma-
jestatis Serenissimi AUGUSTI III. Regis
Poloniæ & Electoris Saxonie*

*Illusterrimi Excellentissimi Domini Amici Nostri
plurimum Observandi.*

BEne feliciter veniatis Hospites gratissimi, ad
Quorum occursum licet expedita festinet Pro-
pen-

pensio, hæsitat tamen non tam verborum inopiã
aut sterilitate affectuum, quàm verecundiã quãdam
laborans Eloquentia. Pari siquidem dolore &
rubore afficimur, quando venerandus Cunctis Gen-
tibus Legatorum Character in Humanissima aliàs
Natione, id tandem perpeßus est, quòd vel ipsa
Barbarorum erubesceret Sævities. Violata sunt cru-
deliter Iura Gentium, læsa Optimi Principis Bene-
volentia, offensa Personarum Vestrarum Dignitas,
quæ omnia non ad invidiam facti, sed ad Satisfa-
ctionis Speciem ingenuè profiteamur. Attamen
Illustrissimi Excellentissimi Domini, nunquam
pulchrius redimuntur Injuriz, quàm Coronã; ab-
stergimus Pudorem Gentis, Regali Purpurã, quam
dum Serenissimo AUGUSTO III. contulimus, &
Nostrorum affectuum præclarum fecimus indicium,
& Fraternos Concivium errores Splendidissime
excusavimus. Interponimus tam Insolenti non
nullorum ausui Clementiam Principis, & Publicæ
Offensæ moderationem vestram obtendimus; certe
si non peccassent, Rex quid concedere posset, mate-
riam veniæ publica causa dedit. In tam difficil-
limo rerum præsentium Situ plus in vos injuria tem-
porum, quàm indole liberæ & Civilissimæ Gentis
peccatum est. Quare Heroicos Animos, quos ad
B patien-

patientiam egregie obfirmastis, ad Communem ho-
die Nobiscum lætitiā serenius exporrigite, &
quemadmodum Spina levis manui est, dum legit
illa rosas, ita & infractā Constantiā Spinarum
nite vulnus, dum jam ex Liberis Suffragijs
& vestro Principi Collegistis Coronam. 1
tantæ expectationis Operi Supremam addat
num, & felicem Studijs & labori vestro imponatis
Coronidem, Illustrissimas Excellencias Vestras ad
Pactorum Conventorum sponsalia unā cum De-
putatis ex Amplissimo Senatu & Equestri Ordine
designatis, ore Publico invito.



Biblioteka Jagiellońska



stdr0024658

